



02.april 2019

UPA2019/169

Attartortitsisup aningaasartuutit ilanngaatigereerlugit iluanaarutissaasa maanna 1,5%-iusut, Namminersorlutillu Oqartussani inissianik attartortut akilertagaasa ukiut pingasut ingerlaneranni atorunnaarsikkiartuaarneqarnissaannut, taarsiullugulu immikkut aserfallatsaaliinissanut atugasii-siisutitut inissiaqarfiit immikkoortortaanniiginnarnissaannut Naalakkersuisut siunnersuummik suliaqaqqullugit peqquneqarnissaannik siunnersuut. Aserfallatsaaliinissami aningaasat oqor-saatit pitsanngorsarnerinut, matunut, igalaanut, qalipannernut assigisaannullu atorneqassapput. (Inatsisartunut ilaasorta q Aleqa Hammond, Nunatta Qitornai)

Ullutsinni pisortanit inissiaatit ingerlanneqartut aserfallatsaaliineqarnissaannillu akisussaaffigineqartut takungaanni tassuunaannarluunniit takuneqarsinnaavoq aserfallatsaaliuiner-mi suliniar-neq torrallataanngerujuttoq. Inissiat qalipaataaruttut imaluunniit qalipaataarutilersut, sumi tamaani aserornerit ukiorpassuann-gortuni aaqpinneqanngittut aammalu ilarparuijui ullutsinnut tulluarunnaavissimasut.

Inissiaq illuluunniit isumagineqarluartuq tassaavoq ukiorpassuarni piusinnaasoq, aserfallakkiartorani pitsaassuseq qaffassissoq suli pigalugu najugaqarfiusinnaasoq. Ineqartunut toqqissisimanaannarani, illut takorannersut paarilluarneqartullu inigineqartumut annertuumik toqqissisimanermik nassataqartarput nunaqqatigiinnilu illoqarfitta isigineranut annertuumik sunniteqartarluni. Pigisat eriangisat tassaapput aserfallatsaaliiorumanartut. Inissiaateqarnitsinni eqqarsartariaaseq tamanna pingalugu sulisariaqarpugut, najugaqartuvut pillugit.

Qujanassusia Naalakkersuisut siunnersuutip imarisaa pillugu tapersersuimmata aammalu sullittut inissianik attartortitsisarnermut inatsisissatut siunnersuummik 2020-mi Inatsisartut upernaakkut ataatsimiinnissaanni saqqummiussassaminnik.

Naalakkersuisut oqarnerattuut aserfallatsaaliuiner-mut aningaasaliissutit ilusiliineq ullumikkut iluseqartillugu ingerlatsineq naammangitsoq, kisiannili unnerlugu eqqummaariffigeqquneqarpoq pisortat inissiaataasa attartortittakkat niuerner-mi piumasaqaatinut ataatsimoortumut ilaatinneqannginnerat siunissamut ungasissumut inuiaqatigiit aningaasaqarnerannut kingunerisassanik naatsorsuutiginn-gisanik kinguneqassammat tamannalu inissianik niueruteqarnermik equ-titsissasoq. Naalakkersuisunit mianerisassat taaneqartut isumaqatiginaqaaq, akissuteqaataallu taperserparput qilanaarussuarpullu siunnersuuteqartut pingaartutut tikkuagai ilanngullugit suliariniagaasa saqqummiunnissai. Qujamasuutiginaqaaq Naalakkersuisuit sulias-samik pingaartitsillutik suliniarlutik aallartereersimammata.